

本草彙精要

本草品彙精要卷之四

玉石部中品之下

七種神農本經

朱字

三種名醫別錄

黑字

二種唐本先附

注云唐附

九種宋本先附

注云宋附

一種唐本餘

三種圖經餘

二十種陳藏器餘

已上總四十五種

食鹽

大鹽

自下品  
今移

鹵鹹

自下品  
今移

戎鹽

鹽藥附自  
下品今移

光明鹽

唐附

綠鹽

唐附

鐵

生鐵

鐵粉

宋附

鋼鐵

鐵落

鐵華粉

宋附鐵  
亂粉附

鐵精

鐵蕒淬鐵水針砂鍛鑽  
下鐵屑刀刃犁鑿尖附

鐵漿

宋附

秤錘

宋附鐵杵故  
鋸鑰匙附

馬銜

宋附

太陰玄精石

宋附鹽精附

車轄

宋附

釭

音工

中膏

宋附自下品今移

車脂

宋附自下品今移

銀膏

唐本餘

黑羊石

圖經餘

白羊石

圖經餘

膚青

石蛇

圖經餘

二十種陳藏器餘

鼠壤土

屋內墉下蟲塵土

鬼屎

寡婦床頭塵土

床四角下土

瓦甑

甘土

二月上壬日取土

柱下土

胡鷺窠內土 道中熱塵土

正月十五日燈盞

仰天皮

蟻穴中出土 古塼

富家中庭土

百舌鳥窠中土

豬槽上垢及土

故茅屋上塵 諸土有毒

本草品彙精要卷之四

玉石部中品之下

石之水

食鹽

無毒

煎鍊成

食鹽主殺鬼蠱邪疰毒氣下部蠶瘡傷寒寒熱吐胸

中痰癖止心腹卒痛堅肌骨

名醫所錄

**名**山鹽

木鹽

解鹽

海鹽

白鹽

黑鹽

柔鹽

赤鹽

澤鹽

臭鹽

石鹽

馬齒鹽

駁鹽

青鹽

井鹽

鹽

枕

**地**

圖經曰舊不著所出州郡陶隱居云有東海北海鹽及河東鹽池梁益有鹽井交廣有南海鹽

西羌有山鹽胡中有木鹽而色類不同以河東者爲勝河東鹽今解州安邑兩池所種最爲精好又有并州兩監末鹽乃刮鹹煎鍊不甚佳其鹹蓋下品所著鹵鹹生河東鹽池者是也下品又有大鹽生邯鄲及河東池澤蘇恭云大鹽卽河東印鹽人之常食者形麤於末鹽乃似今解鹽也解人取鹽於池傍耕地沃以池水每鹽南風急則宿昔成鹽滿畦彼人謂之種鹽東海北海南海鹽者今滄密楚秀溫台明泉福廣瓊化諸州官場煮海水作之以給民食者又謂之澤鹽醫方所謂海鹽是也其煮鹽之器漢謂之牢盆今或鼓鐵爲之或編竹爲之上下周以蜃灰廣丈深尺平底寘於竈皆謂之鹽盤南越志所謂織笈爲鼎和以牡蠣是也然後於海濱掘地爲坑上布竹木覆以蓬茅積沙於其上每潮汐衝沙鹵鹹淋於坑中水退則以火炬照之鹵氣衝火皆滅則鹵氣多火不滅則鹵氣少取鹵注盤中煎之頃刻而就梁益鹽井者今

歸州及四川諸郡皆有鹽井汲其水以煎作鹽如煮海之法但以食彼方之民耳然羗胡之鹽種類自多

陶注又云虜中有九種白鹽食鹽常食者黑鹽柔鹽赤鹽駸鹽臭鹽馬齒鹽之類今人不能偏識本經云

北海青南海赤今青鹽從西羗來者形塊方稜明瑩而青黑色最奇又通泰海州並有停戶刮鹹煎鹽輸

官如井州末鹽之類以供給江湖極爲饒衍其味乃優於井州末鹽也濱州亦有人戶煎鍊草土鹽其色

最麗黑不堪入藥但可噉馬耳其用者白淨色青味鹹大鹽戎鹽鹵鹹光明鹽詳具下條

**性** 溫 **氣** 陽中之陰 **臭** 朽 **主** 吐痰涎 **助** 漏蘆爲 **製** 炒 **治**

**療** 藥性論云殺一切毒氣鬼疰屍疰氣及小兒疳不尿炒鹽於臍中熨之面上五色瘡及蝮螫尿瘡蚯

蚓咬瘡鹽湯綿浸塌瘡上日易五六度瘰癧以空心揩齒吐水中洗眼夜見小字若婦人隱處疼痛以青布

裏鹽熨之下部蠱蟲蝕瘡炒鹽布裏坐熨之兼主火  
灼瘡日華子云治霍亂心痛及全瘡明目止風淚邪  
氣一切蟲傷瘡腫消食滋五味通大小便小兒疝氣  
并內腎氣以葛袋盛於戶口懸之父母用手撚盡當  
愈別錄云治腳氣鹽蒸候熱布裏踏之令腳心熱愈  
肝臟氣虛風冷搏於筋偏體轉筋入腹不可忍者及  
一切風身體如蟲行并用熱鹽湯漬之効治天行後  
脇脹滿炒鹽熨之小便澀亦熨臍下兒逆生以鹽塗  
兒足底并摩產婦腹上即順凡諸瘡癰嚼鹽塗之治  
耳中卒痛蒸鹽熨之又金瘡中風煎鹽令熱漑汁瘡  
上効穀道中疼痛炒鹽熨之治蜈蚣咬痛嚼鹽沃之  
及鹽湯浸痛即止卒中屍道其壯腹脹氣急衝心服  
鹽湯取吐瘡中毒箭以補日華子云暖火膏用鹽如  
鹽貼瘡上災鹽三十壯臟長肉補皮膚雞子大  
青布裏燒赤內酒中頓服治心痛中惡或連腰臍疼  
當吐惡物。合槐白皮切蒸治腳氣。炒鹽一大匙

合童子小便一升溫服之治霍亂上不得吐下不得  
利出冷汗氣欲絕者此湯入口即吐絕氣復通。鹽  
一升內麤薤瓶中實築泥頭訖於炭火燒勿令瓶破  
候赤鹽如水汁去火冷即凝破瓶取之合豉一升炒  
桃仁一兩麩炒巴豆二兩去心膜炒令出油不可過  
熱鍊蜜丸如桐子大每服三丸皆平旦服治天行時  
氣豉汁茶下心痛酒下血痢飲下鬼瘧茶飲下骨熱  
蜜湯下忌冷漿水服藥後吐利勿怪吐利多煎黃連  
汁服止之此藥合就審器盛之勿令洩氣。合皂莢  
同炒令赤研揩齒治血蠶齒及牢牙。鹽三兩合豉  
二兩搗捏作餅安新瓦上炙熱熨小兒臍風撮口。  
炒鹽合酒服治金傷經脉及大脉血出不止者。鹽  
合醋作湯服治**禁**多食令人失色膚黑及傷肺  
氣淋臍下切痛**損**筋力及水腫人不宜食**忌**不  
與甜瓜同食令人  
霍亂發渴病嗽

大鹽

無毒

土生

大鹽

出神農本經

主令人吐

以上朱字神農本經

主腸胃結熱喘逆

胸中病

以上黑字名醫所錄

地

圖經曰

大鹽生邯鄲及河東池澤唐本注云

大鹽即河東印鹽

人常食者形巖於末鹽故名大鹽行義曰大鹽新者不苦久則鹹苦今解州鹽池所出者皆成斗子其形大小不等久亦苦海水煎成者但味和二鹽互有得失入藥及金銀作多用大鹽及解鹽傍海之人多黑色蓋日食魚鹽此走血之驗也。謹按解人取鹽於池傍耕地沃以池水每南風急則宿夕而成其味苦而力薄較諸海水煎成者為不及遠矣所謂煮海為鹽煮池為鹽鹽苦而易敗故詩云王事靡盬是也

時

生

無

採

無

色

青

味

甘

性

寒

氣

氣薄味厚

臭

朽

主

腸胃

結熱及止痛

**行** 接諸藥入腎

**助** 漏蘆為之使

**製** 研細用

鹵鹹 無毒

土生

鹵鹹 出神農本經

主大熱消渴狂煩除邪及下蠱毒柔肌

膚 以上朱字神農本經

去五臟腸胃留熱結氣心下堅食已嘔

逆喘滿明日目痛

以上黑字名醫所錄**地** 圖經曰鹵鹹生河東鹽池陶隱居云是煎

鹽釜下凝滓唐本注云鹵鹹既生河東其河東鹽不以釜煎於此論之明非凝滓此是鹵土名鹵鹹今人

熟皮皆用之此則鹵地掘取者是也

**時** 生無採無色

黃白 **味** 苦鹹

**性** 寒

**氣** 氣薄味厚陰也

**臭** 朽

**主** 散結氣

**製** 研細用

本草綱目卷之四

戎鹽

無毒附鹽藥

土生

戎鹽

出神農本經

主明目目痛益氣堅肌骨去毒蠱

以上朱字

神農本經

心腹痛弱血吐血齒舌血出

以上黑字名醫所錄

名

胡鹽秃

登鹽

陰土鹽

地

圖經曰生胡鹽山及西羌北地酒泉福祿城東南角北海青海赤者是也補下藥

多用青鹽疑此即戎鹽今青鹽從西羌來者形塊方稜明瑩而青黑色最奇北胡來者作大塊而不光瑩

又多孔竅若蜂窠狀色亦淺於西鹽彼人謂之鹽枕入藥差劣陶隱居云今虜中甚有從京州來芮芮河

南使及北部胡客從燉煌來亦得之自是稀少耳其形作塊片或如雞鴨卵或如菱米色紫白味不甚鹹

口嘗氣臭正如蝦雞子臭者為真又有一種鹽藥味鹹無毒生海西南雷羅諸州山谷似芒硝末細入

口極冷南人多取傳瘡腫少有服者恐極冷入腹傷人且宜慎之唐本注云其戎鹽即胡鹽沙州名爲禿登鹽鄆州名爲陰土鹽生河岸山坂之陰土石間塊大小不常堅白似石燒之不鳴炆爾戎鹽赤黑二色者累卵乾時生無採十月用類塊質類石膏色青味未制丹砂時取者佳質而堅色青味鹹性寒氣味厚於臭朽主化堅製研細治療日華子臍癥結心腹積聚痛瘡疥癬衍義曰除目中痰赤濕昏陳藏器云鹽藥主眼赤皆爛風赤細研水和點目中入腹去熱煩痰滿頭痛明目鎮心水研服之又主虻蛇惡蟲毒疥癬癰腫瘰癧水消服之著瘡正爾摩傳補日華子云助禁性冷不水臍益精氣宜多服

光明鹽

無毒

土生

光明鹽主頭面諸風目赤痛多眵

音名醫名石鹽

**地** 圖經曰生鹽州五原鹽池下鑿取之大者如升皆

成鹽色甚明瑩彼人甚貴之云即光明鹽也 **時** 生無採無 **用** 白淨光 **質** 類

**石** **色** 白 **味** 鹹 **性** 平 **氣** 味厚於氣 **臭** 朽 **製** 研細

石之石

綠鹽

無毒

土石生

綠鹽主目赤淚出膚腎眵暗

名醫所錄 **地** 圖經曰以光明

釀之為塊而色綠其真者出焉者國水中石下取之狀若扁青空青 別錄云波斯國在石上生按船上將

來為之石綠裝色久而不變中國  
 以銅醋造者不堪入藥色亦不久  
 成塊者好質狀如扁色綠味鹹苦性平氣味厚於氣臭朽  
 者好質狀如扁色綠味鹹苦性平氣味厚於氣臭朽

石之金

鐵有毒

土生

鐵主堅肌耐痛

神農本草經地鐵不著所出州土今江南西

蜀有爐冶處皆有之鐵乃黑金也其體堅重至於鎔  
 冶然後成器蓋鐵有生有熟有鋼有精有落有粉并  
 華粉亂粉之類新文立條而鑄鐵乃時採無用鐵質  
 再三拍打以作鍊者亦謂之熟鐵也時採無用鐵質

本草綱目卷之四十五 金石部

石類磁色黑味辛性平氣氣之薄者臭腥反畏磁石解

制石亭脂毒

生鐵

土生

生鐵主療下部及脫肛名醫所錄地圖經曰出江南西蜀有爐冶處有之初鍊

去鑛用以鑄錫器物者為生鐵即陶隱居所謂不破鑄音鎗音銓之類是也時採無時用鑄成

器物色黑味辛性微寒氣氣之薄者臭腥主鎮心製日

者子云鍛後飛淘去麁赤汁烘乾用治療日華子云除

或燒紅投萍酒中或水中並堪用癰疾鎮心安

五臟能黑鬚髮及惡瘡疥癬別錄云熊虎所傷毒痛

黃令有味洗之治脫肛久不愈以生鐵黃水洗之日

再

**舍**

燒赤投酒中飲之仍以磁石塞耳中日一易夜

一升服之療被打瘀血在骨節及脇外不去。燒赤

摩傳

珠咬

鐵粉

無毒

鍛鍊成

鐵粉主安心神堅骨髓除百病變白潤肌膚令人不

老體健能食久服令人身重肥黑合和諸藥各有所

主

名醫所錄

**地**

圖經曰舊不著所出州郡今江南爐冶處

雜鐵作屑飛之令體重真鋼則不爾時人錯柔鐵屑和鍼砂飛粉市之飛鍊家亦莫能辨也。謹按雷公

炮炙論序云鐵遇神砂如泥似粉竊嘗試之不就其亦秘而不悉乎博詢術家得究其奧遂令經目法鍊載之不為無稽據其方以鐵十兩不限生熟入銷銀罐內鎔化為汁以塊雄黃五兩徐徐投入常令鐵筋攪之候黃盡復加猛火約人行百步許傾出候冷取輕脆者研細入藥其存性者不堪用也砒與硫黃亦能製粉但其毒甚服之傷生慎之慎之

**氣** 味厚於氣 **臭** 腥 **主** 安心神 陰中之陽 **用** 粉 **質** 類鐵砂 **色** 黑 **味** 鹹 **性** 平

鋼鐵 無毒

鍛鍊成

鋼鐵主金瘡煩滿熱中胸膈氣塞食不化 名醫所錄 **名** 跳

**鐵地** 圖經曰出江南西蜀有爐冶處皆有之其鋼 鐵以生柔相雜和用以作刀劍鋒刃者是也 **時**

採無時用堅精而色黑味甘性寒氣陽中之陰臭腥

鐵落無毒

鐵落出神農本經主風熱惡瘡瘍疽瘡痂疥氣在皮膚中

以上朱字神農本經除胸膈中熱氣食不下止煩去黑子可以

藥皂以上黑字名醫所錄名鐵地圖經曰出牧羊平澤及祊音城或析城今江南西蜀有爐

冶處皆有之其鐵落乃鍛家燒鐵赤沸砧上打落細皮屑俗呼為鐵花是也時採無用屑

色黑味辛性平氣陽中之陰臭腥主風熱治療日華子云

除心驚邪一切毒蛇蟲及蠶咬漆瘡腸風痔瘻脫肛時疾熱狂并染鬚髮

鐵華粉

無毒附  
鐵亂粉

鐵華粉主安心神堅骨髓強志力除風邪養血氣延

年變白去百病

名醫所錄

地

圖經曰出江南西蜀有爐冶處皆有之其造鐵華粉之法

取鋼鍛作葉如笏或團平面磨錯令光淨以鹽水灑之於醋甕中陰處理之百日鐵上衣生鐵華成矣此

鐵之精華功用強於鐵粉也日華子云有鐵亂粉止驚悸虛癰鎮五臟去邪氣強志壯筋骨治健忘冷氣

心痛疰瘕癥瘕結脫肛痔瘻宿食等及傳竹木刺其所造之法與華粉同惟懸於醬甕上就潤地及刮取霜

時研淘去麤汁鹹味烘乾亦入藥用

用

霜

色

紫

味

鹹

性

平

氣

味厚於氣

陰中之陽

主

安神養血

製

刮取霜細擣篩入乳鉢研如麵入諸藥用

治

療別錄云治心虛風邪精神恍惚

以經使鑄鐵四斤炭火燒令赤投醋中如此七遍卽  
堪打碎如碁子大水二斗浸二七食後服一小盞愈  
**合** 合棗膏爲丸服之  
隨所冷熱去百病

**鐵精** 附鐵蕪萍鐵水針砂鍛  
鑢下鐵屑刀刃犁鑊尖

**鐵精** 出神農  
本經 主明目化銅 以上朱字  
神農本經 療驚悸定心氣

小兒風癇陰癘脫肛○鍛鑢下鐵屑味辛平無毒主

鬼打鬼注邪氣水漬攪令沫出澄清服之○鐵蕪主

惡瘡蝕蜜金瘡毒物傷皮肉止風水不入入水不爛

手足皸折瘡根結筋療癰毒腫染髭髮令未黑並及

熱未凝塗之少頃當乾硬項邊癰子以桃核燒熏之  
又殺蟲立効○淬鐵水味辛無毒主小兒丹毒飲一  
合○針砂性平無毒堪染白爲皂及和沒石子染鬚  
至黑飛爲粉功用如鐵粉○刀刃味辛無毒主蛇咬  
毒入腹者取兩刀於水中相磨飲其汁又兩刀於耳  
門上相磨敲作聲主百蟲入耳聞刀聲卽自出也○  
鐵屑治驚邪癰癩小兒客忤消食及冷氣並煎汁服  
之○犁鑱尖浸水名爲鐵精可制朱砂石亭脂水銀

毒

以上黑字  
名醫所錄

地

圖經曰舊不著所出州郡今江南西  
蜀有爐冶處皆有之乃鍛鐵竈中飛

出如塵紫色而輕虛可以摩瑩銅器者是也日華子

云犁鏡尖浸水名爲鐵精二說意實矛盾謹考諸方

所用者皆曰鐵精粉誠如經之所云彼犁鏡浸水僅

可制朱砂石亭脂水銀毒於治病之功無所取矣及

鍛鎖下鐵屑鎖乃鐵砧也此爐冶處打鐵砧下屑耳

又鐵蕪以竹木蕪火於刀斧刃上燒之津出如漆者

一名刀煙江東人多用之以防水是矣若淬鐵水此

打鐵器時堅鐵槽中水也針砂卽作針家磨鑢之細

末爾若其治病之時採無用粉質類塵而色紫

功當各適其用焉時時用粉質輕虛色紫味辛

性

平微溫

氣

氣厚味薄陽中之陰

臭

腥

主

驚悸風癰

治

療別錄云產後

陰下脫以粉

推內卽入蛇骨刺人毒痛以粉一匕管

吹瘡內并傳陰腫小兒因痢肛門脫

倉

合羊脂攪  
令稠布裏

炙熱熨陰脫。合雞肝和爲丸桐子大每服五丸酒下治食中有蠱毒腹內堅痛面目青黃淋露骨立病變無常服多禁傷肺

鐵漿有小毒

鐵漿主鎮心癲癇發熱急狂走六畜癲狂人爲蛇犬

虎狼毒刺惡蟲等啗服之毒不入內

名醫所錄地圖經曰

西蜀有爐冶處皆有之取諸鐵於器中以水浸之經久色青沫出卽堪染皂兼解諸毒入腹別說云鐵漿卽是以生鐵漬水服餌者日取飲旋入新水日久鐵上生黃膏則力愈勝令人肌體輕健唐太妃所服者乃此也若以染皂者爲漿其時採無用漿色青味微鹹酸苦臭澀不可近况服食乎

**性**寒**氣**味厚於**臭**腥**主**癩狂**製**以水浸經久色**治**療

別錄云洗消漆瘡并時氣病骨中熱生庖瘡豌豆瘡飲之瘥

秤錘 無毒附鐵杵故鋸鑰匙

鑄錫成

秤錘主賊風止產後血瘕腹痛及喉痺熱塞並燒令

赤投酒中及熱飲之時人呼血瘕爲兒枕產後卽起

痛不可忍無錘用斧名醫所錄。謹按孟子曰權然

有鐵者雖皆鎔冶以成之然性質既後知輕重蓋權秤錘也有銅者**用**佳**色**黑**味**

辛

**性**溫**銅**秤**氣**氣之厚**臭**腥**主**產後血**製**燒赤漬**倉**

錘平

者陽也

者陽也

者陽也

者陽也

者陽也

者陽也

者陽也

者陽也

鐵秤錘燒令赤淬酒中飲之治妊娠卒下血。銅秤錘燒令赤淬酒中服之治產難并橫逆產者。鐵杵鐵斧並燒令赤投酒中飲之治婦人橫產。故錐燒令赤漬酒中及熱飲治誤吞竹木入喉咽出入不得者。鑰匙同生薑醋小便煎服治婦人血噤失音衝惡弱房人煎湯服亦得。鐵杵鐵錢燒令赤投酒中飲之治胞衣不下

馬銜無毒

馬銜主難產小兒癰產婦臨產時手持之亦煮汁服

一盞名醫所錄

地

圖經曰馬銜即馬勒口鐵也處處有之古舊鋌者堪作醫家鍼用。謹按鐵體

堅重其性鎮墜故有治癰之功馬乃行地無疆則順而健矣夫欲馳者必藉勒以先之故用催生亦取其

健順之  
**色** 黑  
**味** 微鹹  
**性** 平  
**氣** 味厚於氣  
**臭** 腥  
**主** 婦人難產小兒

驚癇  
**製** 煮汁  
**治** 療別錄云走馬喉痺喉中深腫連頰壯熱吐氣數者用馬銜一具水三大盞

煎取一盞半  
分爲三服

### 石之石

太陰玄精 無毒附鹽精

滷地生

太陰玄精主除風冷邪氣濕痺益精氣婦人瘡冷漏

下心腹積聚冷氣止頭疼解肌 名醫所錄 **地** 圖經曰出解縣解池及通

泰州積鹽倉中亦有之其色青白如龜背者佳蓋稟陰數而成故有六出因名太陰玄精也近地亦有色

赤青白大片者次之沈存中云大滴之地即生陰精  
 石是也解池一種鹽精無毒味更鹹苦青黑色大者  
 三二寸形似鐵鑠嘴三月四月採亦主除風冷又名  
 泥精蓋玄精之類也古方不見用者近世補藥及治  
 傷寒多生無採無  
 用之時時用為好者質泉石色青味微性  
 溫氣味厚氣薄臭朽主益精氣製研細舍合消石硫  
 輒陰中之陽  
 硃砂一兩細研入甕甕中固濟以火半斤於甕子周  
 一寸燂之約半日候藥青紫色住火待冷取出用臘  
 月雪水拌令勻濕入甕罐中放屋後北陰下陰乾又  
 入地理二七日取出細研以麵糊和丸如雞頭實大  
 先用熱水浴後以艾湯研下一丸以衣蓋出汗  
 名正陽丹療傷寒三日頭痛壯熱四肢不利

# 石之金

車轄

無毒

車轄主喉痹及喉中熱塞燒令赤投酒中及熱飲之

名醫所錄。謹按轄與牽同即軸頭金也以脂膏塗之使其滑澤設之而後行不駕則脫之詩所謂載脂載牽還車言邁邁臻于衛實取回旋至速之義今療喉痹用之以其鐵體鎮重而所稟之捷速爾

鐵

色黑

味鹹

性平

氣味厚於

臭腥

主喉

閉製

燒赤淬

酒用治

療

別錄云治小兒大便失血用一枚燒赤內水中服

倉

用火燒赤投酒中候冷飲之療妊娠咳嗽

釭中膏

釭

工音

中膏主逆產以膏畫兒腳底即正又主中風發

狂取膏如雞子大以熱醋攪令消服之

名醫所錄。謹按周禮考

工記曰轂也者以爲利轉也轂非正不行然車之用  
在轂轂之用在釭蓋釭乃轂中之鐵其軸端鐵曰鑄  
轂中鐵曰穿鑄穿之外有梢釘曰轄穿即釭也引重  
致遠欲其滑利故用油以潤之鑄穿轄磨蕩日久遂  
成脂膏因其流行無滯所以取治逆產而有轉正速下之功前人立意殊深切矣  
**用**脂色黑

**臭**腥

**主**

中風逆產

**治**

療別錄云取塗耳孔中即出

**含**

合酒服治妊娠婦熱病。

燒末合酒調服療妊娠腹中痛。釭頭  
脂內酒中溫服療產後陰脫亦治咳嗽

車脂

無毒

車脂主卒心痛中惡氣以溫酒調及熱攪服之又主

婦人妒乳乳癰取脂熬令熱塗之亦和熱酒服名醫所錄

**地**此即行使車穿上油脂是也今北地多有之  
**收**薏器貯之  
**用**  
**色**黑  
**味**辛  
**性**

**散**  
**氣**氣厚於  
**臭**腥  
**主**瘡  
**治**療陳藏器云消蝦蟇及蚪

乾思水不能食悶亂大喘而氣發者以半升漸漸服之其蠱即出并治小兒驚啼取一豆許內臍中瘥

**倉**合綿裹塞耳中療聾耳膿血出

銀膏無毒  
  
鍊成

銀膏主熱風心虛驚癇恍惚狂走膈上熱頭面熱風衝心上下安神定志鎮心明目利水道治人心風健

忘

名醫所錄

地

圖經曰此膏以符陵平土水銀和

白錫及銀薄合成之凝硬如銀堪補牙齒缺落。

謹按本經合鍊之法未詳詢之方士備云其法先以汞一百分銀箔四十五分殺作泥子後用白錫九百分內鐵鍋中火鎔成汁出爐約人行二十步將泥子投入令勻則成膏矣其鍊之法以人行二十步為則者恐錫太熱則汞飛走太冷則錫堅凝與其不相合也時經試鍊果如所言

辛

性

大寒散

氣

氣之薄者陽中之陰

臭

朽

主

安神定志清心明目

質

銀類

色

白

味

# 石之石

## 黑羊石

土生

## 黑羊石解諸藥毒

名醫所錄

地

圖經曰生兗州官山之西春中掘地採之以黑色有

牆壁光瑩者為上  
**時**採春月  
**質**類方  
**色**黑  
**味**淡  
**性**熱  
**氣**氣厚

陽中之陰  
**臭**朽  
**製**研細水  
飛用

白羊石  
無毒  
土生

白羊石解眾藥毒  
名醫所錄  
**地**圖經曰生兗州白羊山春  
中掘地取之以白瑩者為

夏  
**時**採春月  
取  
**色**白  
**味**淡  
**性**生冷  
熟熱  
**氣**氣味俱薄  
陰中之陽  
**臭**朽  
**製**

研細水  
飛用

膚青  
無毒  
石生

膚青  
出神農本經  
主蠱毒及蛇菜肉諸毒惡瘡  
以上朱字神農本經

不可久服令人瘦

以上黑字名醫所錄

**名**推青推石

**地**別錄云生益州川谷俗方

及仙經並無用此者亦相與不復識

**色**青

**味**辛

**性**平散

**氣**氣味俱薄陰中之陽

**主**

惡瘡諸毒

石蛇

無毒

石生

石蛇主解金石毒

名醫所錄

**地**

岡經曰出南海水傍山石間其形盤屈如蛇無首尾

內空紅紫色又如車螺不知何物所化大抵與石螺同類功用亦相近衍義曰本經不收自開寶本草添

附其色如古牆上土盤結如楂梨大中空兩頭巨細一等不與石螺同類螺則真螺也蛇非真蛇今人用

之絕少

**時**

採無時

**用**

左盤者為好

**質**

類蛇而無首尾

**色**

紅紫

**味**

鹹

**性**

平

**氣**

味厚於氣  
陰中之陽

**臭**

朽

**製**

研細水  
飛用

## 二十種陳藏器餘

鼠壤土主中風筋骨不隨冷痺骨節疼手足拘急風  
掣痛偏枯死肌多收取暴乾用之○屋內墻下蟲塵  
土治惡瘡久不差乾傳之亦油調塗之○鬼屎主人  
馬反花瘡刮取和油塗之生陰濕地如屎亦如地錢  
黃白色○寡婦床頭塵土主人耳上月割瘡和油塗  
之効也○牀四脚下土主獐犬咬人和成泥傳瘡上

灸之一七壯瘡中得大毛者愈。獬犬狂犬也。○瓦礫主魘寐不寤。覆人面疾打破之。覺好魘及無夢。取火燒死者灰。著枕中履中卽止。○甘土無毒。主去油垢水和塗之。洗膩服如灰水。主草葉諸菌毒熱湯末和之。出安西及東京龍門土底澄取之。○二月上壬日取土泥屋四角大宜蠶也。○柱下土無毒。主腹痛暴卒者末服方寸匕。○胡鷲窠內土無毒。主風瘙癢疹末以水和傅之。又巢中草主卒溺血。燒爲灰飲服。又主

惡刺瘡及浸淫瘡遍身至心者死亦用之。○道中熱  
塵土主夏中熱暍死取土積心口少冷卽易氣通則  
甦亦可以蓼汁灌之。○正月十五日燈盞令人有子  
夫婦共於富家局會所盜之勿令人知之安臥床下  
當月有娠。○仰天皮無毒主卒心痛中惡取人膏和  
作丸服之一七丸人膏者人垢汗也揩取仰天皮者  
是中庭內停污水後乾地皮也取卷起者一名掬天  
皮亦主人馬反花蒼和油塗之佳。○蟻穴中土取七

枚如粒和醋搽狐刺瘡○古塼熱燒之主下部久患  
白痢膿泄下以物裹上坐之入秋小腹多冷者亦用  
此古塼煮汁服之主噦氣又令患處熨之三五度差  
又主婦人帶下五色俱治之取黃塼石燒令微赤熟  
以麴五味和作煎餅七箇安塼上以黃瓜蔓傳麴上  
又以布兩重患冷病人坐上令藥氣入腹如熏之有  
蟲出如蠶子不過三五度差○富家中庭土七月丑  
日取之泥竈令人富勿令人知○百舌鳥窠中土末

和醖醋傅蚯蚓及諸惡蟲咬瘡○豬槽上垢及土主  
難產取一合和麵半升烏豆二十顆煮取汁服之○  
故茅屋上塵無毒主老嗽取多年煙火者拂取上塵  
和石黃欵冬花婦人月經衣帶爲末以水和塗于茅  
上待乾內竹筒子中燒一頭以口噙之入咽喉數數  
咽之無不差也○諸土有毒怪曰獐羊掘土見之不  
可觸已出上土部土有氣觸之令人面黃色上氣身  
腫掘土處謹之多斷地脉古人所忌地有仰穴令人

移也

本草品彙精要卷之四

本草品彙精要卷之五

玉石部下品之上

九種神農本草經

朱字

四種名醫別錄

黑字

三種唐本先附

注云唐附

一十種宋本先附

注云宋附

一種唐慎微附

一種今補

二十種陳藏器餘

已上總四十八種

伏龍肝

石灰

礬石

砒霜

宋附砒黃附

鎗墨

宋附百草霜

硃砂

唐附

鉛丹

鉛

宋附鉛灰附

粉錫

錫灰

今補

東壁土

好土土消土橫柳附

赤銅屑

唐附銅器附

錫銅鏡鼻

古鑑附

銅青

宋附

井底砂

唐慎微附

代赭

赤土附

石鷲

唐附

槩木

宋附冰槩附

井華水

宋附

菊花水

宋附

地漿

臘雪

宋附  
霜附

泉水

宋附

半天河

熱湯

宋附  
燥絲湯麻沸湯搏猪湯附

白堊

烏格切  
白土也

冬灰

荻灰桑薪灰  
毒蒿灰枌灰附

青琅玕

琉璃玻  
瓊附

二十種陳藏器餘

玉井水

碧海水

千里水

秋露水

甘露水

繁露水

六天氣

梅雨水

醴泉

甘露蜜

冬霜

電

溫湯

夏冰

方諸水

乳穴中水

水花

赤龍浴水

糧鬯中水

醅氣水

本草品彙精要卷之五

石部下品之上

土之土

伏龍肝

無毒

伏龍肝主婦人崩中吐血止欬逆止血消癰腫毒氣

名醫

**地**

圖經曰

此竈中對釜月下黃土也以竈有神

所錄

**故號爲**

伏龍肝并以迂隱其名爾

**雷公云**凡

使勿誤用竈下土其伏龍肝是十年以來竈額內火

氣積久結如赤色石中黃其形貌八稜者是

**丹房鏡**

**源云**伏龍肝或經十年者竈下掘深一尺其片紫堯

色者可用。謹按三說然雖皆取於竈但今所用並

以竈中對釜月下經久者療疾多  
効與圖經所言脬合用之無疑矣  
時生無採無用土

色紫味辛性微溫氣氣之厚臭腥主調血製研細羅

治療圖經曰消化積滯日華子云止鼻洪腸風帶下  
血崩泄精尿血催生下胞及小兒夜啼及中風

心煩恍惚別錄云治倉合四交道土為末飲兒辟夜  
鬼魘不寤及諸腋臭啼為未合醋調塗癰腫

### 石之土

石灰有毒 鍛成

石灰出神農本經主疽瘍疥癢熱氣惡瘡癰疾死肌墮眉

殺痔蟲去黑子瘰肉以上朱字療髓骨疽以上黑字

神農本經 名醫所錄

**名** 惡灰 希灰 石 石 地 圖經曰生中山川谷及所

窑燒青石為灰也有風化水化兩種其風化者以經鍛灰塊置風中自解此為有力水化者以水沃之即

熱蒸而解其力差劣矣 **時** 採無 **用** 風化者 **色** 白 **味** 甘 **性** 溫 **氣** 散 氣

俱厚 **臭** 腥 **主** 止血 生肌 **製** 雷公云凡使用醋浸一宿漉出陽也 **治** 待乾下火鍛令腥穢氣出用甌

盛著蜜蓋放冷拭 **治** 療藥性論云治瘍疥蝕惡肉止上灰令淨細研用 **金瘡血** 日華子云療白瘰癧

瘍癰癰及婦人粉刺痔瘻疽瘡癰贅疣 **補** 日華子云子又產後陰不能合濃煎湯熏洗差 煖水臟

**倉** 五月五日採紫萸葛葉鹿活草斛葉芍藥地黃葉蒼耳葉青蒿葉合石灰搗為團如雞卵暴乾為末

療金瘡生肌神驗。合百草團為末治金瘡或以臘月黃牛膽取汁澁和却內膽中掛之當風百日研之

亦治金瘡。合水調如粥浸好糯米粒全者半置灰中半在外經宿取糯米點人面上黑磨。合醋調如泥療口喎斜者左喎塗右右喎塗左立便牽正。**禁**不入湯藥妊娠不可服。

### 石之石

礬石 有毒

石生

礬石

出神農本經

主寒熱鼠瘻蝕瘡死肌風痺腹中堅癖

邪氣

以上朱字神農本經

除熱明目下氣除膈中熱止消渴益

肝氣破積聚瘤冷腹痛去鼻中瘕肉火鍊百日服一

刀圭

以上黑字名醫所錄

**名**

青分石

食鹽

立制石

鼠羶

太白石

澤乳

固羊石

白礬

玉

**地**

圖經曰

生漢中山谷及少室今潞州亦有焉其

性大熱置水中令水不冰質堅而能拒火燒之

一日夕但解散而不奪其堅市人多取潔白細理石

富之燒即為灰也此石惟攻擊積聚癰冷之病亦能

柔金真者乃佳唐本注云今漢川武當西遠坂名礬

石谷此即是其真出處少室亦有粒細理不如漢中

者入藥必須煅鍊

**時**

十二月

**收**

薨器

**質**

類骨

**色**

白

**味**

蓋其有毒故也

辛

**性**

大熱生

**氣**

氣味俱

**臭**

朽

**主**

消積聚

**助**

得火良棘

甘

**性**

溫熱熱

**氣**

厚陽也

**臭**

除風冷

**助**

針鉛丹為

**治**

圖經曰治

之

**反**

畏水惡馬目毒公

**製**

火煅研細

**治**

療

圖經曰治

使

**反**

驚屎虎掌細辛

**製**

水飛用

**治**

冷積聚

**藥**

性論云除胸膈間積氣去冷濕風痺瘡痒

皆積年者

**衍義**

曰消久積及久病胸腹冷

**倉**

合乾薑

桂心皂莢桔梗各三兩附子二兩

**禁**

久服令人筋攣

蜜丸桐子大服五丸療寒冷百病

**禁**

不鍊服之則殺

人及  
百獸  
  
血 羊

# 石之土

砒霜

大毒附  
砒黃

土生

砒霜主諸瘡風痰在胸膈可作吐藥

名醫  
所錄

地

圖經曰  
舊本不

著所出郡縣今近銅山處亦有之惟信州者佳其塊  
甚有大者色如鵝子黃明徹不雜此種甚難得每一  
兩大塊者人競環重市之不啻金價古服食方必得  
此種乃可入藥其市肆所蓄片如細屑亦夾土石入  
藥服之為害不淺衍義曰今信州鑿坑井下取之其  
坑官常封鎖甚嚴坑中有濁豫水先絞水盡然後下  
鑿取生砒謂之砒黃其色如牛肉或有淡白路謂石  
非石謂土非土治病雖有功不可造次服也取砒之

法將生砒就置火上以器覆之令砒烟上飛着覆器  
透凝結纍然下垂如乳尖長者為勝平短者次之圖  
經云大塊者其大塊是下等片如細屑者極下也入  
藥當用如乳尖長者佳別錄云初取飛燒霜時人在  
上風十餘丈外立下風所近草木皆死又多見以和  
飯毒鼠若猫犬食死鼠者亦死其毒猛於射罔遠矣

**時**

生

無

採

無

**用**

如乳尖

長者佳

**色**

白

黃

**味**

酸

苦

**性**

泄

**氣**

味厚於氣

陰中之陽

**臭**

臭

**主**

諸

**反**

畏

菜豆

**製**

雷公云

凡使用小

薤瓶子盛

後入紫背天葵石龍芮二味

三件便下火煨從已至申便用甘草水浸從申至  
子出拭乾入瓶盛於火中煨別研三萬下用之

**治**

**療**

日華子云

砒霜除婦人血氣衝心痛落胎

○砒黃

祛瘧疾腎氣帶辟蚤蝨

別錄云

砒霜療卒中風昏

噴若醉痰涎壅

○四肢不收用如菜豆大研

以新汲水調下少許用熱水投大吐即愈

**倉**

末二

兩合

膠清塗之治瘡。瘡者人似刺刺便腫痛肉爛。若手脚着之節即墮落。砒黃一錢合麝香半錢研細先用紙條子以生油塗之後摻藥末在上少用末剪作小紙片碁子大者大小用插在爛動處治小兒牙宣常有鮮血不止牙斷臭爛。信州砒黃細研合濃墨汁丸如桐子大於銚子內炒令乾後用竹筒子盛要用如所患處灸破或針將藥半丸敲碎貼之以自然蝕落為度覺藥盡更貼少許療瘰癧。輕服能傷人。**解**誤中其毒以冷水研菜豆妊娠不可服。**漿**飲之及得石腦油即伏。

### 鎔墨

無毒附百草霜

鎔墨主蠱毒中惡血暈吐血以酒或水細研溫服之

亦塗金瘡生肌止血

名醫所錄

**地**

謹按鎔墨是鎔底煤也。又有鼈額上墨謂之百

草霜然百草霜入藥必須山野人家釜底者為勝蓋因取雜草供覺得衆草之性故有是名張仲景黑奴丸以此二味及梁上塵同用蓋其功力相近百草霜治證舊本混收鍛竈灰條下今移附于此

**時生**

無採無霜質類窑色黑臭朽主止血製用研細治遠別時時用霜

云治鼻氣壅塞不通者水調服又逆產

**倉**合酒塗舌下療舌卒

以手中指取墨交畫兒足下即順生

腫如豬胞狀滿口者不治須臾死。合熱小便調下

二錢七療心痛。以五錢合鹽一錢熟水調頓服療

中惡心痛欲絕。合酒服療轉筋入腸中欲轉者。

百草霜二錢合狗膽汁一處拌勻分作兩服以當歸

酒調下療婦人崩中。百草霜末合米飲調下二錢

治暴瀉痢。百草霜合白芷等分每服二錢童子小

便醋各少許調勻更以熱湯化開服療逆生橫生瘦

胎妊娠產前產後虛損月候不調崩中不過二服瘥

○百草霜合膩粉少許研細生油調塗療頭瘡及諸熱瘡先用醋少許和水淨洗去痂再用水洗裏乾然後塗之

**禁**

瘡生在面慎勿塗之  
黑入肉如印

### 石之水

硃砂有毒

石生

硃砂主積聚破結血爛胎止痛下氣療欬嗽宿冷去

惡肉生好肌柔金銀可為鐸

音旱藥

名醫所錄

**名**

北庭砂

濃

沙氣砂

**地**

圖經曰出西戎今西涼夏國及河東陝西近邊州郡亦有之其北庭者為上然西戎來者

顆塊尤明大者如拳重三五兩小者如指入藥最緊亦能消五金八石邊界出者雜碎如麻豆粒又夾砂

石用之須飛澄去土石訖亦無力矣彼人謂之氣砂此物多食腐壞人腸胃生用又能化人心為血固非平居可餌者西土用淹肉炙以當鹽食之無害蓋積習之久若魏武噉野葛不毒之義也本經云柔金銀可為鐸藥今人作鐸藥乃用礪砂此則不甚須也衍義曰金銀有偽投礪砂於銘窩中其偽物盡消別人腹中有久積豈不潰腐乎

**色**

白

**味**

鹹苦辛

**性**

溫

**氣**

氣味俱厚陽中之陰

**臭**

腥

**主**

破積聚結血去惡肉生肌

**反**

畏漿水一切酸物

**製**

日華子云凡修製以黃丹石灰作櫃銀赤用之無毒或水飛過入堯器中

以重湯煮之使其自乾而殺其毒及去塵穢也

**治**

療藥性論云伏鍊者除冷病大益陽事日華子云

益水臟暖子宮消冷痺瘀血宿食不消氣塊疰瘕及血崩帶下惡瘡息肉食肉飽脹女人血氣心疼須修

製可服陳藏器云婦人丈夫積病血禁誤服生癰腫  
兼不調痰飲喉中結氣反胃吐水禁多食腐壞人

腸忌羊解服此藥毒研生菰豆  
胃血汁飲一二升解之

鉛丹無毒

鉛丹出神農本經主吐逆胃反驚癰癩疾除熱下氣鍊化

還成九光久服通神明以上朱字神農本經止小便除毒熱臍

擊金瘡血溢以上黑字名鉛華地別錄云出蜀郡平

者也其製法以鉛一斤土硫黃一兩消石一兩先銻  
鉛成汁下醋點之滾沸時下土硫黃一小塊續更下  
消石少許沸定再點醋依前下消黃時生無採無  
少許待消黃沸盡炒為末乃成丹也時用

細膩無砂者

**色** 紅黃

**味** 辛

**性** 微寒

**氣** 氣之薄者

陽中之陰

**臭** 朽

**主** 生肌肉

止疼痛

**製**

水飛過細研炒紫色用

**治**

療藥性論云治驚悸狂走嘔逆消渴煎膏止痛生肌日華子云鎮

心安神除反胃止吐血及嗽傳金瘡長肉及湯火瘡

染鬚髮

**別錄云**

小兒重古用安舌下及逆產以刀圭

塗兒躡

**倉**

合醋調塗療蝎螫。合百草霜各等分研

下即順空。心米飲調服二錢七療瘡疾於發日服

。合蜜水服二錢七療小兒瘡疾冷即以酒和服。

真丹方寸七合蜜三合和服之療忤中惡心腹疼痛

腹滿氣衝心胸如口噤者折齒灌之。黃丹四兩米

醋半升同煎乾却用炭火鍛透紅研為末以粟米飲

九如桐子大名碧霞丹酒下七九療吐逆立效。合

白礬各二兩為末用三角磚相闊七寸紙鋪磚上先

以丹鋪紙上次以礬鋪丹上然後用紙扭却將十斤

柳木柴燒過研為末名驅風散每用二錢溫酒調下

療風癰。合醋調塗。蝎螫毒。

### 石之金

鉛無毒附

土生

鉛主鎮心安神治傷寒毒氣反胃嘔噦蛇蝎所咬炙

熨之

名醫所錄**地**圖經曰鉛乃青金也生蜀郡平澤**別錄**

陀利州出鉛精之葉深有變形之狀文曰紫背鉛鉛能碎金鋼鑽草節鉛出嘉州打着碎如燒之有礪黃臭烟者信州鉛盧氏鉛此麤惡用時直須濾過陰平鉛出劍州是鐵之苗鉛黃花投汞中以文武火養自浮面上掠刮取炒作黃丹色鈞脚鉛出雅州山洞溪砂中形如皂子又如蝌蚪子黑色此皆稟北方壬癸

陰極之精而生也。又有鉛灰其法取鉛三兩鐵器中熬之久當有腳如黑灰治瘰癧有效故附于此。

**生**無**抹**無**質**類錫**色**黑**味**甘**性**緩**氣**氣之薄者**臭**朽

**時**時**時**而**類****色****味****性****氣**陽中之陰**臭**

**主**鎮心神**消惡瘡****倉**以一斤合甘草三兩微炙剉用酒一斗

後鎔鉛投在酒瓶中却出酒在空瓶內取出鉛依前鎔後投如此者九度并甘草去之只留酒治發背及

諸般癰毒瘡令飲醉寢即愈。以半斤內大鍋中鎔成汁旋入桑條灰柳木攪令成砂后以熟絹羅為末

每日早晨如常揩牙齒後用溫水漱在盂內取其水洗眼治諸般眼疾鬚髮黃白者用之皆變黑也。以

一斤乾鍋中鎔成汁投酒一升如此十數迴候酒至半升去鉛頓服之療金石藥毒。以三兩鐵器中熬

之久當有腳如黑灰取此灰合臘月猪脂塗瘰癧上仍以舊帛貼之數數去帛拭惡汁又貼如此半月許

亦不痛不破不作瘡但內消之為水差雖流過項亦差

**禁**

性濡滑服之多陰毒傷人心胃

### 金之土

粉錫

無毒

粉錫

出神農本經

主伏尸毒螫

音釋

殺三蟲

以上朱字神農本經

去蠱

瘰癧惡瘡墮胎主小便利

以上黑字名醫所錄

**名**

解錫

定

**地**

陶隱居云即今化鉛所作胡粉也而謂粉錫事與經

乖唐本注云鉛丹胡粉實用錫造陶云化鉛作之經

云粉錫亦為誤矣謹按李含光云黃丹胡粉二物

俱是化鉛為之未聞用錫者故叅同契云若胡粉投

炭中色壞為鉛抱朴子內篇云愚人乃不信黃丹及

胡粉是化鉛所作噫古者或以鉛錫兼稱乎故英公

序云鉛錫莫辨者蓋謂此也唐注因襲遂以三物俱  
言炒錫所致殊深誤矣更熟思之陶說為是今造粉  
之法以磚作竈高五六尺中砌一小缸貯糟醋至八  
分許以竹篦平置缸口篦底木作井字架之用蜀郡  
平澤鉛不限分兩鎔化成汁以杓傾鐵掀模內作方  
片每重二十兩至三百片數攢積篦上以醬蓬覆蓋  
缸底用重一斤炭壓火煨日夜各二餅使醋氣熏蒸  
於上候至二七日夜其醋已盡將鉛片上浮粉擊取  
稱過泡水缸中仍帶水細羅澄於別缸擊去上面清  
水以粉三百斤為則加白鹽一斤福蜜四兩二味相  
和鍊熟稍澄羅濾入粉令勻外作一坑上鋪細砂土  
一層再以綿紙嚴遮其土攤粉于紙上坑下仍煨炭  
壘微火轉展將近一月方乾以竹  
刀切成塊冬月水寒不宜造也

**性**

寒

**氣**

氣之薄者  
陽中之陰

**臭**

腥

**製**

研細  
用

**治**

療

別錄云主從高  
落下瘀血搶心

**用**

光膩  
者佳

**色**

白

**味**

辛

面青短氣欲死以胡粉一錢匕和水服之即差治乾濕癬及胡臭若股內陰下常濕且臭或作瘡以胡粉一物塗之即愈常用大驗小兒夜啼水調服三豆許日三服之効

**瘡** 胡粉水和合雞久痢成瘡服之以糞黑為度為其殺蟲而止痢也合炭灰白等分以脂和塗瘡孔上治瘡中水即止合羊髓和塗火燒瘡合豬鬃骨中髓治小兒舌上瘡日三傳之効熬八分合猪脂塗小兒疳瘡以差為度合鹽熬色變以摩小兒腹上治腹脹及腹皮青若不理須臾死合土和塗小兒耳後月蝕瘡

**禁** 妊娠不可服

**解** 硫黃

錫灰 有毒

錫灰主殺蟲去積

**名** 醫錄 **名** 白 **地** 圖經曰生桂陽山谷今有銀坑處皆有之

而臨賀所出尤盛又謂之白鑠然有黑有白黑即鉛也與此形雖相近而所用殊別錫灰乃以錫置鐵盤中焙鍊良久澄下粗滓如灰者是今妙應丸中用之

鹹

**性**

平

**氣**

味厚於氣陰中之陽

**臭**

朽

**製**

去錫細研羅過用

**時**

生無

採無

時

時

**用**

灰

**色**

褐黑

**味**

### 土之土

### 東壁土

無毒附好土  
土消土橫榔

### 東壁土主下部瘡脫肛

名醫所錄

**地**

陶隱居云此朽壁乾久之土取其東向者

故謂之東壁土也由其感旭日之精華鍾震方發育之氣刮取之亦可去衣油垢張司空云土三尺已上曰糞三尺已下曰土服之當去上惡物勿令人客水陳藏器云一種土消大寒無毒莊子云蛄蜺轉丸是

也藏在土中掘地得之正圓如人捺作彌久者佳又有土檳榔狀如檳榔於土穴中及堦除間得之新者猶輒云蟾蜍屎也蟾食百蟲故特主惡瘡行義曰今詳南壁上土亦向陽久乾何不取之蓋東壁常得曉日烘炙日者太陽真火故治瘟瘡或曰何不取午盛之時南壁土而取日初出東壁土者何也火生之時其氣壯故素問云少火之氣壯及其當午之時則壯火之氣衰故不取之實用此義或曰何以知日者太陽真火以水精珠或心凹銅鑑向日射之以艾承接其光聚處火出故知之

**收** 暴乾 **色** 黃 **味** 甘 **性** 平溫 **氣** 氣厚於 **臭** 朽 **主** 解毒 **製** 研

**用治** 療陶隱居云治小兒風臍唐本注云摩乾濕癬藥性論云點目中去翳東壁上上蜺殼為末

傳號豆瘡及除溫瘡陳藏器云止洩痢霍亂煩悶○好土味甘無毒主洩痢冷熱赤白腹內熱毒絞結痛

下血取入地乾土以水煮三五沸絞去滓適稀稠煖服一二升土消主傷寒時氣黃疸病煩熱湯淋取汁頓服之良土檳榔主惡瘡諸蟲咬及瘰癧疥癩細研油塗之別錄云東壁土主小兒臍風瘡歷年不差

**倉**東壁土一升合皂莢三挺長一尺二寸療肛門凸出以壁土挹粉肛門頭出處皂莢炙煖更通

髮之差。好土合頭髮療食牛馬肉及肝中毒者先剉頭髮令寸長拌好土作泥二升合和飲之須臾髮皆貫所食肝出。多年煙熏壁土合黃檗同搗羅末以生薑汁拌成膏攤貼之更以茅香湯調下一錢

七療背**解**好土以水煮三五沸去滓適稀稠煖服二生癰癤**解**升解諸藥毒中肉毒合口椒毒野菌毒

石之金

赤銅屑

微毒附銅器

赤銅屑以醋和如麥飯袋盛先刺腋下脉去血封之

攻腋臭神効又熬使極熱投酒中服五合日三主賊

風反折又燒赤銅五斤內酒二斗中百徧服同前主

賊風甚驗

名醫所錄

**地**

陳藏器云出武昌蓋銅稟東方乙陰之氣結而成魄其性利能鐸人

骨凡六畜有損者取細研酒中溫啖之直入骨損處六畜死後取骨視之猶有鐸痕赤銅為佳黃熟銅不

堪用**別錄**云定州人崔務隆馬折足醫者令取赤銅末和酒服之遂痊平反亡後十餘年改葬視其脛骨

折處有銅束之是其驗也

**時**

生無

抹無

時時

**用**

屑

**色**

赤

**味**

苦

**性**

平

**氣**

厚

於氣陰也

**臭**

腥

**主**

折傷

**製**

細剉為屑或

燒滓酒服

**治**

療日華子云明目及風眼接骨鐸

齒療女人血氣及心痛。銅器治霍亂轉筋腎堂及臍下疼痛並衣被襯後貯火熨之。陳藏器云主折傷能鐸倉合酢於銀器中炒極熱以布裹熨腋下冷復人骨倉易之治狐臭或用清酢漿淨洗訖微揩使破取銅屑和酢熱揩之甚驗

錫銅鏡鼻

無毒附古鑑

錫銅鏡鼻

出神農本經

主女子血閉癥瘕伏腸絕孕

以上朱字

神農本經 伏尸邪氣

以上黑字名醫所錄

地

陶隱居云

古無純銅鑄鏡皆用錫和雜之以取

其明白故也以廣陵者為勝今所用銅鏡鼻者乃破古銅鏡之鼻爾用之當燒令赤內酒中飲之若置醢中出入百過亦可搗矣其入藥之義即銅弩牙古文錢之類皆有錫相雜故所用也以意推之其理則一

時

生

時

採

時

用

愈

佳

色

綠

味

酸

性

冷

氣

厚

陰

也

臭

朽

主

祛邪

製

燒赤

滓酒

治

療

日華子云

古鑑

辟一切邪

魅女人鬼交飛尸蠱毒小

兒驚癇百蟲入人耳鼻

中就将彼敲其蟲自出

倉

以七枚投醋中熬過呷之

亦可人當歸芍藥煎服療

產後餘疹刺痛三十六候

○銅照子鼻燒赤著少許

酒滓過少少與兒服之療小兒卒中客忤○古鑑燒

赤滓酒服療暴

心痛及催生

金之土

銅青

微毒

銅生

銅青主婦人血氣心痛合金瘡止血明目去膚赤息



土之土

井底沙

井底沙主治湯火燒瘡用

名醫所錄**〔地〕**謹按井底沙即井中泥而具坤體乃至陰

也蓋井水靜而不流為陰水也非江湖之水日夜流蕩上薄陽光為之陽水所以浸漬成泥其性愈冷故能祛大熱湯火之毒也**〔用〕**沙**〔色〕**青黑**〔味〕**淡**〔性〕**至冷**〔氣〕**味厚於氣陰也**〔臭〕**腥**〔主〕**天泡瘡

**〔治〕**

療別錄云塗傅蝎螫溫則易之及妊娠得時疫病以傅心下令胎不傷并療卧忽不寤勿以火照照之

即殺人但痛嚙其踵及足拇指甲際而唾其面即活以井底泥塗目畢令人垂頭於井中呼其姓名便起

石之土

代赭

無毒附赤土

代赭

出神農本經

主鬼疰賊風蠱毒殺精物惡鬼腹中毒

邪氣女子赤沃漏下

以上朱字神農本經

帶下百病產難胞衣

不出墮胎養血氣除五臟血脉中熱血痹血瘀大人

小兒驚氣入腹及陰痿不起

以上黑字名醫所錄

**名**

須丸血師

**地**

經圖

曰生齊國山谷今河東京東山中亦有之以赤紅青色如雞冠有澤染爪甲不渝者良古方紫丸治小兒用代赭云無真者以左顧牡蠣代之乃知真者難得今醫家所用多擇取大塊其上有如浮漚丁者為勝謂之丁頭代赭陶隱居云舊說是代郡城門下土江東久絕其魏國所獻猶是彼間赤土非復真物矣唐

本注云出姑幕者名須丸出代郡者名代赭此石多  
從代州來云山中採得非城門下土又言生齊地山  
谷今齊州亭山出赤石其色有赤紅青者其赤者亦  
如雞冠且潤澤土人惟採以丹楹柱而紫色且暗此  
物與代州出者相似古來用之今靈州鳴沙縣界河  
北平地掘深四五尺得者皮上赤滑中紫如雞肝大  
勝齊代生無採無  
所出者時  
寒洩氣薄味  
緩氣厚陰也  
薑為畏附子  
使反  
薄雲者去之然後用細茶脚湯煮之一伏時取出又  
研一萬匝方人用淨鐵鑪一口著火得鑪熱底赤即  
下白蠟一兩於鑪底逡巡間便投新汲水衝  
之於中沸一二千度了如此放冷取出使之  
**治**  
**療**  
**藥**  
**性**

**氣**

氣薄味厚陰也

**臭**

朽

**主**

驚風辟鬼魅

**行**

手足少陰經足厥陰經

**助**

赤土以乾

**時**

生無採無

時

時

**用**

如雞冠光澤有浮漚丁者佳

**色**

赤紫

**味**

甘苦

**性**

論云療女子崩中淋瀝不止及生子不落末溫服辟  
鬼魅日華子云止吐血鼻衄腸風痔瘻月經不止小  
兒驚癇疳疾反胃止瀉痢脫精尿血遺  
溺金瘡長肉安胎健脾及夜多小便  
用火燒代赭通赤淬米醋中以盡為度搗羅如麵用  
湯調下一大錢療小腸氣瘕赤土不計多少研碎  
空心溫酒調下一錢  
療風瘰癧疼痒不可忍

### 石之石

石鷲  
無毒

土生

石鷲以水煮汁飲之主淋有効婦人難產兩手各把

一枚立驗

名醫所錄

地

圖經曰出零陵郡今永州祈陽縣江傍沙灘上有之形似蚶而小其

實石也或云生山洞中因雷雨則飛出墮於沙上而  
化為石未審的否唐本注云俗云因雷雨則從石穴  
中出隨雨飛墮者妄也惟永州祈陽縣西北百一十  
五里土岡上掘深丈餘取之形似蚶而小堅重如石  
是也衍義曰今人用者如蜆蛤之狀色如土堅重則  
石也既無羽翼焉能自石穴中飛出何故只墮沙灘  
上此說近妄唐本注永州土岡上掘深丈餘取之形  
似蚶而小重如石則此自是一物餘說不可取也

**時**  
生無採無  
**收**  
洗刷去  
**質**  
類蚶而小  
**色**  
青白  
**味**  
淡  
**性**  
涼  
**氣**  
氣

薄者陽  
中之陰  
**臭**  
腥  
**主**  
催生明目  
**製**  
研細水飛過用  
**治**  
療圖經曰能催生令產婦兩手各

握一枚須臾子則下別錄云療久患腸風痔瘻一二  
十年不瘥面色虛黃飲食無味及患臟腑傷損多患  
泄瀉暑月常瀉不止及諸般淋瀝久患消渴婦人月  
候湛濁赤白帶下多年不瘥應是臟腑諸疾皆主之

用石鷲淨洗刷去泥土收之右每日空心取一枚於  
堅硬無油菟器內以溫水磨服之如彈丸大者一箇  
分三服大小以此爲準晚食更一服若欲作散杵羅  
爲末以磁石吸去杵頭鐵屑後更人乳鉢內研細水  
飛過取白汁如泔乳者澄去水曝乾每服半錢至一  
錢清飯飲調下溫水亦得此藥偏治久年腸風痔須  
常服勿令歇服至  
一月諸疾皆愈  
**倉**合水牛鼻和煮飲之止消渴○  
一斗浸三日卽每夜卧時隨性飲一兩盞甚能補益  
能獎食令人健力○爲末不計時候合葱白湯調服  
半錢療傷寒小腹脹滿小便不通○以七枚搗如黍  
米粒大合新桑根白皮三兩剉如豆粒同拌令勻分  
作七貼每一貼用水一盞煎取七分  
去滓於空心午前各一服治淋瀝

### 漿水

無毒附  
冰漿

漿水主調中引氣宣和強力通關開胃止渴霍亂洩痢消宿食宜作粥薄暮啜之解煩去睡調理腑臟粟米新熟白花者佳煎令酸止嘔噦白人膚體如繒帛為其常用故人不齒其功冰漿至冷婦人懷妊不可

食之食譜所忌也

名醫所錄。謹按作漿水之法於清明日用倉黃粟米一升淘淨下

鍋內以水四斗入酒一鐘煎至米開花為度後將柳枝截短一大把先內鍾中然後貯漿水於內以苧布封口使出熱氣每日用柳條攪一收

薨鍾

盛貯

**色**

青

**味**

甘

**性**

溫

**氣**

氣厚味薄陽中之陰

**臭**

腥

**主**

除霍亂止消渴

**倉**

去黑子方夜以暖漿水洗面用

布揩令黑子赤痛水研白檀香取濃汁以塗之且以漿水洗面仍用鷹糞傅上効。○合鹽少許熱漬之療手指腫冷卽易之。○漿水稍醋味者合乾薑屑煎呷之治人霍亂頗有神効及夏月腹肚不調者並瘥。○酸漿水合水少許許  
**禁** 妊娠不得食漿水粥  
**忌** 勿與  
頓服令孕婦易產  
同食令人  
霍亂吐利

### 井華水

無毒

井華水主人九竅大驚出血以水嚥面亦主口臭正朝含之吐棄廁下數度卽差又令好顏色和朱砂服之又堪鍊諸藥石投酒醋令不腐洗目膚醫及酒後

熱痢

名醫所錄。謹按此水乃平旦第一汲者取其清冷澄澈靜而不動得純陰之氣故療疾與諸

水有異不爾非謂之井華水也水體雖屬陰汲而動

之則不得純陰之性其性既失療疾欲神不可得也

噫前人取義深

**收** 斂器貯之

**用** 平旦第一汲者

**色** 白

**味** 甘

**性** 平

**氣** 寒

味厚氣

**臭** 朽

**主** 鮮熱毒

**治** 療別錄云

以新汲水頻易灌漬睛上其睛自入又療馬汗及毛人人瘡腫毒熱

痛入腹以冷水浸瘡數易飲好酒立愈

**倉** 新汲水合蜜飲

之治心悶汗

出不識人

菊花水

無毒

菊花水主除風補衰久服不老令人好顏色肥健益

陽道溫中去痼疾

名醫所錄

**地**

圖經曰

出南陽鄆縣北潭

水其源悉芳菊生被崖水

為菊味盛洪之荊州記云鄆縣菊水太尉胡廣久患風羸常汲飲此水後疾遂瘳此菊甘美廣後收此菊實播之京師處處傳植抱朴子云南陽鄆縣山中有甘谷水所以甘者谷上左右皆生甘菊菊花墮其中歷世彌久故水味為變其臨此谷中居民皆不穿井悉食甘谷水無不壽考故司空王暢太尉劉寬太傅袁隗皆為南陽太守每到官常使鄆縣月送甘谷水四十斛以為飲食此諸公多患風痺及眩冒皆得愈衍義曰菊花水本條言南陽鄆縣北潭水其源悉芳菊生被崖水為菊味此說甚怪且菊生於浮土上根深者不過尺百花之中此特淺露水泉莫非深遠而來况菊根亦無香其花當九月十月間止開三兩旬中焉得香入水也若因花而香其無花之月合如何也殊不詳水自有甘淡鹹苦焉知無有菊味者嘗官

於水耀間沿幹至洪門北山下古渠中泉水清澈衆  
 官酌而飲其味與惠山泉水等亦微香世皆未知之  
 烹茶尤相宜由是知泉脉如此非緣浮土  
 上所生菊能變泉味傳識之士宜細詳之

**時** 無 **色** 白 **味** 甘 **性** 溫 **氣** 厚於味 **臭** 香 **主** 風 痺

地漿 無毒

地漿主解中毒煩悶 名醫所錄 **地** 陶隱居云此掘地作坎

俄頃取之以解中諸毒山中有毒菌人不識煮食之  
 無不死又楓樹菌食之令人笑不止惟飲此漿皆差  
 餘藥不能救矣 **色** 黃 **味** 甘 **性** 平 **氣** 陽中之陰 **臭** 腥 **主** 熱渴 心悶 **解**

中諸毒及食  
 生肉中毒

臘雪

無毒  
附霜

臘雪主解一切毒治天行時氣溫疫小兒熱癰狂啼

大人丹石發動酒後暴熱黃疸仍小溫服之

名醫所錄。謹

按大寒節後而雨雪謂之臘雪時當陽氣潛伏寒令大行其花六出乃稟純陰之數故能治一切溫熱之疾及淹藏果實經年不壞其春雪則易生蟲水亦易敗前人故不收用臘雪之功斯可見矣

收

磁器

收貯

色

白

味

甘

性

冷

氣

味厚於氣陰也

臭

朽

主

疫癘熱病

含

霜合蚌粉傳治

暑月汗漬腋下赤腫及痲瘡

泉水

無毒

泉水主消渴反胃熱痢熱淋小便赤澀兼洗漆瘡射

癰腫令散久服却溫調中下熱氣利小便並宜多飲

之名醫所錄**地**謹按水稟土癸乃天一所生若穴沙石而出者謂之泉水爾雅云一見一否為灋泉

正出為溫泉下出為沃泉凡出為汎泉此皆泉水發

原之名也亦有鑿地取水曰井夫井亦泉耳易所謂

改邑不改井井洌寒泉是也其皆得陰寒之性具體

玄潔潤下故有療熱解毒之功若男女心腹有疾取

新汲者互相授受飲之得陰陽從治之義臘日以椒  
投井而飲水亦最旦唇蘇之意爾用者當以類分可  
也

**時**生無採無**用**新汲**味**甘**性**平**氣**味厚於**臭**朽**主**

解煩渴**治**療別錄云患心腹冷病者若男子病令女

消瘡腫人以一杯與飲女子病令男子以一杯

與飲又主食魚肉為骨取鯁取一杯水合口向水張口取水氣鯁當自下及人忽被墜損腸出以冷水噴之令身噤腸自人也又臘日夜令人持椒井傍毋與人語內椒井中服此水去溫氣**禁**不用停非直無効固亦損人

### 半天河

無毒

### 半天河主鬼疰狂邪氣惡毒

名醫所錄。謹按此水乃天澤水也由雨貯於

高樹穴中及竹籬頭上蓋稟乾陽之氣謂之半天河故能鎮心殺鬼也若諸水聚於地者得坤陰之性治

療於此有別用之

**生**

**採**

**用**

**色**

**性**

**氣**

氣

當各適其宜可也

**時**

時

時

**水**

**白**

**微**

**寒**

薄者陽

**主**

殺鬼精

**治**

療陶隱居云洗諸瘡用之藥性

論云能殺鬼精恍惚妄語勿

中

之陰

**除**

邪氣

**論**

云

能

殺

令知之與飲差日華子云主蠱毒陳藏器云在槐樹  
穴間者療諸風及惡瘡風癢疥痒亦溫取洗瘡別錄  
云身體白馭取樹木孔中水洗之搗桂屑唾和  
傅馭上日三白馭者浸淫漸長似癬但無瘡也

### 熱湯

無毒附線絲湯  
麻沸湯燂猪湯

熱湯主忤死先以衣三重藉忤死人腹上乃取銅器  
若瓦器盛湯著衣上湯冷者去衣大冷者換湯即愈  
又霍亂手足轉筋以銅器若瓦器盛湯熨之亦可令  
踢器使脚底熱徹亦可以湯醑之冷則易用醋煮湯  
更良煮蓼子及吳茱萸汁亦好以綿絮及破毡襯脚

以湯淋之貴在熱徹又鑊絲湯無毒主蛔蟲熱取一

盞服之此萸薑汁爲其殺蟲故也又燂豬湯無毒主

產後血刺心痛欲死取一盞溫服之

名醫所錄按木經火煎作

沸者謂之湯也衍義曰助陽氣通經絡用以熨治風冷氣痹等疾正合內經所謂寒因熱用之意抑考朱丹溪云鑊絲湯屬火有陰之用能瀉膀胱水中相火使清氣上朝於口而止消渴也又成無已云瀉心湯用麻沸湯漬服者取其氣薄而洩

**治**

療陳藏器云凡

初覺傷寒三

日內但取熱湯飲之候吐則止可飲一二升隨吐并出瘥重者亦減半又凍瘡不瘥者熱湯洗之効

衍義

曰熱湯助陽氣行經絡患風冷氣痹人多以湯濯腳至膝上厚覆使汗出周身然別有藥亦終假湯氣而

行也四時暴洩痢四肢冷臍腹疼深湯中坐浸至腹  
上頻頻作生陽佐藥無速於此虛寒人始坐湯中必  
戰仍常令人伺守可也別錄云風疾數年不效者掘  
坑令患者解衣坐於坑內遂以熱湯上淋之良久復  
以簞蓋之  
之瘥

### 石之土

白堊

無毒

土生

白堊

鳥格切出神農本草經

主女子寒熱癥瘕月閉積聚

以上朱字神農

本經

陰腫痛漏下無子洩痢

以上黑字名醫所錄

名

白善

地

圖經曰生

邯鄲山谷及始興小桂縣晉陽鄉有白善今處處有  
之即畫家所用者多而且賤醫方亦稀用之又云大

次之山其陽多堊又北山經天池之山其中多黃堊及中山經沕臯之山其中有大谷多白黑青黃堊注

云言有雜色之堊也然堊有五色入藥惟白者佳衍義曰白堊卽白善土京師謂白土子截成方寸段鬻

以浣衣也**時**生無採無用白者色白味辛苦性溫氣厚味

之臭朽**主**破癥瘕**製**雷公云入藥勿用色青并底白陰止洩痢**者**凡使先搗細三度篩過入鉢

中研之然後將鹽湯飛過瞭乾每修事白堊二兩用白鹽一分投於斗水中用銅器物內沸十餘沸然後

水飛過白堊免結澀**治**療藥性論云調女子血結月人腸也或入藥燒用**候**不道能澀腸止痢溫暖

日華子云止瀉痢痔瘻洩精女子**倉**合王瓜等分爲子宮冷男子水臟冷鼻洪吐血末湯調二錢服

療頭**禁**不入湯久服傷**膈**白薤痛五臟令人羸瘦爲僞

土之木

冬灰

無毒附荻灰桑薪  
灰青蒿灰枌灰

冬灰主黑子去眚

尤音

息肉疽蝕疥瘡

神農本草經

**名**

藜地

**地**

經圖

曰出方谷川澤卽今浣衣黃灰爾燒諸蒿藜積聚鍊作之性甚烈又荻灰尤烈欲銷黑痣眚贅取此三種灰和水蒸以點之卽去不可廣用爛人皮肉唐本注云桑薪灰最入藥用療黑子眚贅功勝冬灰用煮小豆大下水腫然冬灰本是藜灰餘草不真又有青蒿灰燒蒿作之枌灰燒木葉作之並入染用亦堪蝕惡肉枌一作苓字衍義曰冬灰諸家止解灰而不解冬亦其闕也諸灰一烘而成惟冬灰則經三四月方徹鑪此灰旣朝夕燒灼其力得不全燥烈乎又體益重今一焚而成者火力爲劣其體則輕故不及冬灰也

若古緊面少容方中用九燒益母灰蓋取此義爾  
諸方中用桑灰自合依本法既用冬灰則須爾  
用

經冬三  
月者佳  
**色**青  
**味**辛  
**性**微温  
**氣**氣之厚  
**臭**朽  
**主**去黑子  
蝕惡肉

**治**療陳藏器云桑灰去風血癥瘕塊及  
水瘰淋取酸汁作飲服三五升  
**倉**餅爐中灰  
細羅脂麻

油調療湯火灼以羽掃不得着水仍避風  
合鼈一頭治如食法同煎如泥和諸癥瘕藥重煎堪  
丸衆手捻成日服十五丸  
療癥瘕瘰癧無不瘥者

### 水之木

青琅玕

無毒附瑠璃玻瓈

石生

青琅玕

出神農本經

主身瘡火瘡癰傷疥瘡死肌

以上朱字神農

本經 白禿侵淫在皮膚中養鍊服之起陰氣可化爲丹

以上黑字 名醫所錄 **名** 石珠 **地** 圖經曰青琅玕生蜀郡平澤及

青珠

嶺

嶺州西烏白蠻中于闐國蘓

恭云琅玕乃有數種是瑠璃之類火齊寶也火齊珠名琅玕五色惟青者入藥爲勝秘書中有異魚圖載琅玕青色生海中云海人於海底以網挂得之初出水紅色久則青黑枝柯似珊瑚而上有孔竅如蟲蛀擊之有金石之聲爾雅云西北之美者有崑崙墟之璆琳琅玕焉孔安國郭璞皆以爲石之似珠者山海經云崑崙山有琅玕若然是石之美者明瑩若珠之色而其狀森植爾大抵古人謂石之美者多謂之珠廣雅謂瑠璃珊瑚皆珠也故本經一名青珠亦此義也抑考之琅玕出海中以其色瑩如珠故蘇云瑠璃火齊之類實非瑠璃也蓋瑠璃火成人爲之物此則天然成者其不同也明矣况皇極經世云水之木珊

瑚之類正此是也蓋環時生無採無質類珊瑚色色

青白味辛性平氣之薄者臭朽主火瘡助得木反畏

骨治療日華子云玻璃安心止驚悸明目磨腎障陳

解毒殺錫

二十種陳藏器餘

玉井水味甘平無毒久服神仙令人體潤毛髮不白  
出諸有玉處山谷水泉皆有猶潤於草木何況於人  
乎夫人有髮毛如山之草木故山有玉而草木潤身

有玉而毛髮黑異類云崑崙山有一石柱柱上露盤  
盤上有玉水溜下土人得一合服之與天地同年又  
太華山有玉水人得服之長生玉旣重寶水又靈長  
故能延生之望今人近山多壽者豈非玉石之津乎  
故引水爲玉證○碧海水味鹹小溫有小毒煮浴去  
風瘙疥癬飲一合吐下宿食臚脹夜行海中撥之有  
火星者鹹水色旣碧故云碧海東方朔十洲記云○  
秋露水味甘平無毒在百草頭者愈百疾止消渴令

人身輕不饑肌肉悅澤亦有化雲母成粉朝露未晞  
時拂取之栢葉上露主明目百花上露令人好顏色  
露卽一般所在有異主療不同。甘露水味甘美無  
毒食之潤五臟長年不饑神仙緣是感應天降祐兆  
人也。○繁露水是秋露繁濃時也作盤以收之煎令  
稠可食之延年不饑五月五日取露草一百種陰乾  
燒爲灰和井華水重鍊令白醎醋爲餅腋下挾之乾  
卽易主腋氣臭當抽一身間瘡出卽以小便洗之續

齊諧記云司農鄧沼八月朝入華山見一童子以五綵囊承取栢葉下露露皆如珠云赤松先生取以明日今人八月朝朝作露華明像此也漢武帝時有吉雲國有吉雲草食之不死日照草木有露著皆五色東方朔得玄露青黃二露各盛五合帝賜群臣老者皆少病者皆除東方朔曰日初出處露皆如糖可食漢武帝洞冥記所載今時人煎露亦如糖久服不饑呂氏春秋云水之美者有三危之露爲水卽味重於

水也。六天氣服之令人不饑長年美顏色人有急難阻絕之處用之如龜蛇服氣不死陽陵子明經言春食朝露日欲出時向東氣也秋食飛泉日沒時向西氣也冬食沆瀣北方夜半氣也夏食正陽南方日中氣也并天玄地黃之氣是爲六氣亦言平明爲朝露日中爲正陽日入爲泉飛夜半爲沆瀣及天地玄黃爲六氣皆令人不饑延年無疾者人有墮穴中穴中有蛇蛇每日作此氣服之其人旣見蛇如此依蛇

時節饑時便服又卽倣蛇日日如之經久漸漸有驗  
卽體輕健似能輕舉啟蟄之後人與蛇一時躍出焉  
○梅雨水洗瘡疥滅癰痕入醬令易熟沾衣便腐澣  
垢如灰汁有異佗水江淮已南地氣卑濕五月上旬  
連下旬尤甚月令土潤溽暑是五月中氣過此節已  
後皆須曝書漢崔寔七夕暴書阮咸焉能免俗蓋此  
謂也梅沾衣皆以梅葉湯洗之脫也餘並不脫○醴  
泉味甘平無毒主心腹痛疰忤鬼氣邪穢之屬並就

泉空腹飲之時代昇平則醴泉涌出讀古史大有此  
水亦以新汲者佳止熱消渴及反胃腹痛霍亂爲上

○甘露蜜味甘平無毒主胸膈諸熱明目止渴生巴

西絕域中如飴也○漢武帝

立金莖作仙人掌承露  
盤取雲表之露服食以

求○冬霜寒無毒團食者主解酒熱傷寒鼻塞酒後

諸熱面赤者○電主醬味不正當時取一二升醬麋

中卽如本味也○溫湯主諸風筋骨攣縮及皮頑癬  
手足不遂無眉髮疥癬諸疾在皮膚骨節者入浴浴

乾當太虛憊可隨病與藥及飯食補養自非有他病  
人則無宜輕入又云下有硫黃卽令水熱硫黃主諸  
瘡病水亦宜然水有硫黃臭故應愈諸風冷爲上當  
其熱處大可燐豬羊○夏冰味甘太寒無毒主去熱  
煩熱熨人乳石發熱腫暑夏盛熱食此應與氣候相  
反便非宜人或孔入腹冷熱相激却致諸疾也食譜  
云凡夏用冰正可隱映飲食令氣冷不可打碎食之  
雖腹當時暫快久皆成疾今冰井西陸朝覲出之頒

賜官宰應悉此淮南子亦有作法又以凝水石爲之  
皆非正水也○諸方水味甘寒無毒主明目定心去  
小兒熱煩止渴方諸大蚌也向月取之得三二合水  
亦如朝露陽燧向日方諸向月皆能致水火也周禮  
明諸承水於月謂之方諸陳饌明水以爲玄酒酒水  
也○乳穴中水味甘溫無毒久服肥健人能食體潤  
不老與乳同功近乳穴處人取水作食釀酒則大有  
益也其水濃者秤重他水煎上有鹽花此真乳液也

所爲穴中有魚出魚部中○木花平無毒主渴遠行  
山無水處和苦楮葉爲丸朝預服二十丸末無渴亦  
人殺野獸藥和狼毒皂莢礬石爲散揩安獸食餘肉  
中當令不渴渴恐飲水藥解名水沫江海中間久沫  
成乳石故如石水沫猶輒者是也○赤龍浴水小毒  
主瘕結氣諸瘕惡蟲入腹及咬人生瘡者此澤間小  
泉赤蛇在中者人或遇之經雨取水服及人浴蛇有  
大毒故以爲用也○糧鬲中水味辛平小毒主鬼氣

中惡疰忤心腹痛惡夢鬼神進一合多飲令人心悶  
又云洗眼見鬼未試害虵蠱其清澄久遠者佳古塚  
云文選留餘節爪毒潰屍言此二物不爛餘皆成水  
北人呼糧鬻爲食鬻也○醜氣水主長毛髮以物於  
炊飲飯時承取沐頭令髮長密黑潤不能多得朝朝  
梳小兒頭漸漸覺有益好○千里水及東流水味平  
無毒主病後虛弱湯之萬過煮藥禁神驗二水皆堪  
盪滌邪穢煎煮湯藥禁呪鬼神潢汙行潦尚可薦羞

王公况其靈長者哉蓋取其潔誠也本經云東流水  
爲雲母所畏煉雲母用之與諸水不同卽其效也

本草品彙精要卷之五